

HGB1E, 3. or.

[ONTZIA HONDATU ZENEAN]

Ontzia hondatu zenean
marinelak hala zioen :

Bildur nintzen
zeren
lehenengo zalaparta ondoren
jendea lo
eta kokolo
jarri zen.

Prudentea deitzen zen
jendea jarri zen
loen
eta kokoloen.
EZ zuten konprenitzen
ez zuten nahi konprenitu
zergatik ari nintzen
abarrotsa ateratzen
zergatik nenbilen
ixtilua sortzen
jendeak lorik ez zezan;
loak hartu ondoren
urak hartu ez zitzan
hilen
hildako ilaran.
Orduz gero neroni naiz
ez dudana konprenitzen
prudente jendea zergatik jarri zitekeen
loen
eta kokoloen.